



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-540-4/24**
Datum: **21.01.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BINGO“ d.o.o. Tuzla, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme koka nosilja sa pratećim objektima, izgrađene u naselju Ciljuge, općina Živinice, na osnovu 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „BINGO“ d.o.o. Tuzla, daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta voda kao posljedica rada farme koka nosilja sa pratećim objektima, kapaciteta 186.000 koka nosilja po turnusu (objekat I, II, III, IV, V, VI), izgrađene u naselju Ciljuge, općina Živinice, na zemljištu označenom kao k.č. broj: 624 K.O. Kovači, općina Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik „BINGO“ d.o.o. Tuzla, izgrađene objekte farme koka nosilja sa pratećim objektima, održava u funkcionalnom stanju i koristi u skladu sa njihovom namjenom i uslovima iz ove vodne dozvole.
 - 3.2. Da se zbrinjavanje otpadne vode od pranja objekta i opreme za tov pilića vrši u izgrađenoj vodonepropusnoj sabirnoj jami bez preliva.
 - 3.3. Čišćenje sabirne jame i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja septičke jame, neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent i prije spajanja sa ostalim vodama na lokaciji, zadovoljio granične vrijednosti emisije definisane u Prilogu 1. tabeli 1.1. kolona 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na svim ispustima u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. i Prilog 2. tabela 2.2. Uredbe o uslovima ispuštanja otpadnih voda u okoliš i sisteme javne kanalizacije. Obavezno vršiti ispitivanja specifičnih parametara u skladu sa predmetnom industrijom. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).
 - 3.6. Ukoliko Vlada kantona propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac,

- 3.7. Da se spriječi nekontrolisano rasipanje tečnog i krutog otpada po okolnom zemljištu, te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
- 3.8. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Otpad koji nastaje u postupku rada farme koka nosilja, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.11. Da se privremeno i konačno zbrinjavanje otpada uginulih pilića i drugih nusprodukata koji nastaju u postupku rada farme koka nosilja, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
- 3.12. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
- 3.13. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godine od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „BINGO“ d.o.o. Tuzla zahtjevom bez broja od 14.10.2024. godine obratio se ovoj Agenciji, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme koka nosilja sa pratećim objektima, kapaciteta 186.000 koka nosilja po turnusu (objekat I, II, III, IV, V, VI), izgrađene u naselju Ciljuge, općina Živinice, na zemljištu označenom kao k.č. broj: 624 K.O. Kovači, općina Živinice.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka o registraciji broj: 032-0-Reg-24-001552 od 08.10.2024 godine izdato od strane Općinskog suda u Tuzli-ovjerena kopija,
- Ovjerena kopija Uvjerjenja o poreznoj registraciji izdatog dana 05.02.2013. godine od strane Porezne uprave Federacije BiH-Kantonalni porezni ured Tuzla,
- Uvjerjenje o registraciji/upisu u Jedinstveni registar obveznika neizravnih poreza broj: 04/1-17-1-UPJR/1-1558-2/13 od 10.05.2013 godine, izdatog od strane Uprave za indirektno-neizravno oporezivanje Banja Luka-kopija,
- Građevinska dozvola u spisu UP-I/25-3-40-630-4/19,
- Rješenje o vodnoj dozvoli broj: UP-I/25-3-40-630-4/19 od 24.12.2019 godine izdato od strane „Agencije za vodno područje rijeke Save“ Sarajevo,
- Ugovor o zakupu poljoprivrednog zemljišta od 19.03.2013 godine zaključen sa Ministarstvom poljoprivrede, šumarstva i vodoprivrede Tuzlanskog kantona (u spisu broj UP-I/25-3-40-630-4/19),
- Ugovor o čišćenju separatora i zbrinjavanju opasnog otpada broj: 317-01/22 od 12.04.2022 godine zaključen sa „KEMEKO-BH“ d.o.o. Lukavac,
- Ugovor o isporuci vode od 02.12.2019 godine zaključen sa JP „Vodovod i kanalizacija“ d.o.o. Živinice,
- Rješenje o vodnoj dozvoli broj: 04/1-11-21-25187/21 od 19.10.2021 godine izdato od strane Ministarstva poljoprivrede, šumarstva i vodoprivrede Tuzlanskog kantona,
- Dokaz o uplaćenju upravnoj i administrativnoj taksí na zahtjev.

B. Tehnička dokumentacija

- Glavni projekat prikupljanja, i zbrinjavanja otpadnih voda kompleksa farme koka nosilja kapaciteta 186. 000 mjesta na lokalitetu Kovači, Živinice investitora „BINGO“ d.o.o. Tuzla urađen od strane „Rudarski institut“ d.d. Tuzla, mart 2018 godine (uvid prilikom uvida),
- Glavni projekat prikupljanja-legalizacija za izgradnju šest farmi koka nosilja, objekta pakirnice jaja i objekta upravne zgrade (knjiga 3) na lokalitetu Kovači, Živinice investitora „BINGO“ d.o.o. Tuzla urađen od strane „ATRIUS-projekt“ d.o.o. Živinice, januar 2021 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uvidaju broj: UP-I/25-3-40-540-2/24 od 17.01.2025. godine.

Uvidom u dostavljenu dokumentaciju i izvršenim uvidajem na licu mjesta može se konstatovati sljedeće:

Farma koka nosilja (objekat I, II, III, IV, V, VI), kapaciteta 186.000 mjesta po turnusu, sa pratećim sadržajima (manipulativni prostor, uređaj za prečišćavanje otpadnih voda i sl.), izgrađena je u naselju Ciljuge, općina Živinice, na zemljištu označenom kao k.č. broj: k.č. broj: 624 K.O. Kovači, općina Živinice. Pravno lice „BINGO“ d.o.o. Tuzla je posjedovalo Rješenje o vodnoj dozvoli broj: UP-I/25-3-40-630-4/19 od 24.12.2019 godine izdato od ove Agencije sa rokom važenja pet godina.

Navedena Rješenje izdato je za objekte I, II, III, IV, V i VI u kojima su smještene koke nosilje, izgrađene su u blizini aerodroma „Ciljuge“, općina Živinice na kapacitet koka nosilja na 186.000 mjesta (6 objekta po 31.000 koka). Na predmetnoj lokaciji je došlo do povećanje kapaciteta na način da se upotpunio maksimalni kapacitet postojećih objekata instaliranjem kaveza i opreme.

Objekti su opremljeni sa zasebnim sistemom za izdubavanje i utovar đubreta na vozilo.

Tehnološke otpadne vode od pranja objekta i opreme se sistemom rigola u objektima za smještaj koka nosilja odvođe putem kanalizacije tehnoloških otpadnih voda u vodonepropusnu jamu bez preliva sa ventilacijom $V=6 \text{ m}^3$. U navedenu vodonepropusnu jamu bez preliva se prikupljaju vode od svih šest objekata za smještaj koka nosilja.

Pranje objekata se vrši poslije smjene turnusa koka nosilja (jednom u 15 mjeseci).

Na lokalitetu ne postoji izgrađena javna kanalizaciona mreža.

Oborinske onečišćene vode sa radno-manipulativnih površina, pristupnih saobraćajnica i parkinga se prikupljaju putem slivnih rešetki i kanala za oborinske vode te tretiraju na toložniku i separatoru ulja i masti. Prečišćena voda se ispušta u otvoreni kanal lokalnog puta.

Na lokaciji je izgrađena pakirница jaja iz koje ne nastaju otpadne vode.

Farma se snabdijeva vodom iz gradskog vodovodnog sistema, putem auto cisterni u dva rezervoara-čisterne kapacitetapo 40 m³, a prema ugovoru zaključenom sa operatorom JKP „Komunalno“ d.d. Živinice.

Kruti otpad iz objekata se direktno utovara na prevozna sredstva te preuzima „GOLD-MG“ d.o.o. Donji Žabar.

Na predmetnoj lokaciji se ne vrši klanje koka nosilja a isto se vrši od strane „JATA“ d.o.o. Kotor Varoš prema sklopljenom ugovoru.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „Bingo“ d.o.o. Tuzla, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta voda kao posljedica rada poslovnog objekta – farne koka nosilja sa pratećim objektima, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.grad.

Dostaviti:

- «Bingo» d.o.o. Tuzla, Bosanska Poljana bb, Tuzla (Prilog: Tehnička dokumentacija navedena pod tačkom B obrazloženja Rješenja)

AVP Sava, ISV – Vodna knjiga

- Sektor 50

- Sektor 40, arhiva

- Oglasna tabla AVP-Sava Sarajevo